

Electere cum mentem sic vellet mater Amoris,  
Tunc Bellona feris Furiis stipata ruebat  
In medium rabideq; minacia scommata lingvæ  
Fundebat dicens: Quid agis? mea terrea sceptræ  
Cerne, quibus cunctas terræ mihi subjugo vires,  
Et tua Sponsa mihi veniet dulcissima præda.  
Dixit & in magnum vertit mea membra stuporem.  
Sed Regina Cypri stetit imperterrita pergens  
Incoëptis, iterum mentemq; in talia verba  
Solvens: Ne ducas hili quæcunq; maligna  
Disidii Genitrix in te mala verba vibravit.  
Hæc rosa, quam manibus teneo, sub pluribus ortum  
Spinis jucundum traxit crevitq; sub illis,  
Quæ jam delicias oculis & naribus addit:  
Sic quamvis ducas spinoso tempore Sponsam.  
Incrementa tamen sumet, varietq; beata  
Omnes letitiæ numeros. Sic dixit & arcum  
Præproperante manu solvit pharetratus Alumnus,  
Inq; mei cordis fibras sua spicula torsit.  
Me miserum quisnam (mea sic per præta querela  
Errabat) sanare potest: occurre medela  
Promta; vide morior, morior nunc, ah citò opem fer!  
Vix hæc ex animo sparsi querit antia verba  
In querulas auras, Veneris cum callidus Heros  
Astitit, atq; statim ridens me duxit ad ædes.

Non.